

TREOIR CHUN GNÍMH

An Tionscal Eorpach Cruach agus Miotal a Chosaint

Aibreán 2026

Iarrann na sínitheoirí ar rialtais náisiúnta an Aontais agus ar an gCoimisiún Eorpach slabhraí luacha cruach agus miotal Eorpach a dhaingniú trí ghníomhaíocht chinntitheach láithreach. Gan bearta sciobtha, cuirfear luas faoi phróiseas an díthionsclaithe san Eoraip.

Tá bearta trádála infheidhme atá éifeachtach agus láithreach ag teastáil ón Eoraip ANOIS

Áirítear orthu sin taraifí chun an margadh Eorpach do chruach agus do dhiantáirgí cruach a chobhsú. Ní mór na bearta seo agus bearta breise a ailíniú le leibhéal na n-ionstraimí cosanta trádála a tháinig isteach le comhpháirtithe trádála amhail na Stáit Aontaithe agus Ceanada.

Bíonn athruithe beartais ag teastáil ar dhálaí geopholaitiúla a athraíodh ó bhonn

Forbraíodh an Comhaontú Glas don Eoraip tráth a raibh cobhsaíocht gheopholaitiúil choibhneasta ann. Sa lá atá inniu ann, tá ar an Aontas aghaidh a thabhairt ar choinbhleachtaí trádála, ar iomaíocht éagórach, ar allmhairí fóirdheonaithe atá ag dul i méid go mór, agus ar chostais táirgthe atá ard i gcónaí. Mar thoradh air sin, bíonn monaróirí cruach agus diantáirgí cruach - agus slabhraí luacha iomlána san Eoraip dá bharr - go mór faoi phriacal.

Spriocanna aeráide an Aontais a bhaint amach agus an t-iomaíochas á chaomhnú ag an am céanna

Tacaíonn na sínitheoirí go hiomlán le cuspóirí aeráide an Aontais. Mar sin féin, chun na spriocanna sin a bhaint amach, tá gá le creat atá cothrom agus iomaíoch ar fud an domhain lena gcuirfear ar chumas cuideachtaí Eorpacha dícharbónú a dhéanamh agus, ag an am céanna, leanúint de bheith iomaíoch ar bhonn idirnáisiúnta.

Ní mór go mbeadh ábhair agus comhpháirteanna straitéiseacha “Déanta san Aontas Eorpach”

I gcomhréir le hiomaitheoirí amhail an tSín, an India agus na Stáit Aontaithe, ní mór don Choimisiún Eorpach agus do na Ballstáit ceanglais shoiléire “Déanta san Aontas” a shainiú le haghaidh ábhair straitéiseacha amhail cruach agus táirgí criticiúla eile. Ní mór praghsanna fuinnimh iomaíocha a bheith ag gabháil leis sin chomh maith le beartais spriocdhírithé maidir leis an margadh saothair agus beartais thionsclaíocha chun slándáil an tsoláthair a áirithiú, nuálaíocht agus dícharbónú a chothú, agus cumais thionsclaíocha agus poist thionsclaíocha san Aontas Eorpach a chosaint.

Cailteanas post agus spleáchais nua a chosc sna tríú tíortha

Mura ndéanfar beart cinntitheach láithreach, tá an baol ann go gcaillfidh an Eoraip níos mó ná 13 mhilliún post díreach i dtionscal na cruach agus na miotal. Ina theannta sin, tá suas le 65 mhilliún post breise ag brath go hindíreach ar an earnáil sin. Chruthódh cailteanais den sórt sin spleáchais nua ar thríú tíortha agus chuirfeadh siad ualach ollmhór ar chórais slándála sóisialta na hEorpa. D'fhéadfadh corraíl shóisialta a bheith mar thoradh ar mheath eacnamaíoch den mhéid sin freisin agus cobhsaíocht dhaonlathach na mór-roinne a chur i mbaol.

Iarrann na sínitheoirí ar an gCoimisiún Eorpach agus ar rialtais na mBallstát an pacáiste beart a leagtar amach thíos a chur chun feidhme chun slabhraí luacha cruach agus miotal na hEorpa a chosaint agus a athbheochan.

Cosaint Trádála

- Córas trádála nua chun obair leantach a dhéanamh ar bhearta coimirce cruach an Aontais: Taraifí agus cuótaí rátaí taraife a thabhairt isteach do dhíorthaigh chruach agus do tháirgí atá dian ar chruach (Cóid CN 73–95)
- Cuspóir: Iomaíocht chóir a áirithiú agus imchéimniú a chosc

Sásra coigeartaithe carbóin ar theorainneacha (SCCT)

- SCCT a leathnú chuig díorthaigh chruach agus táirgí atá dian ar chruach
- Cuspóir: Cosc a chur ar sceitheadh carbóin a aistriú ó chruach go táirgí iarteachtacha agus stop a chur le hathlonnú chruthú luacha na hEorpa chuig tríú tíortha

“Déanta san Aontas Eorpach”

- Tosaíocht a thabhairt d'earraí agus do sheirbhísí arna dtáirgeadh ag an Aontas i scéimeanna soláthair phoiblí agus cistiúcháin (lena n-áirítear tionscadail bhonneagair, soláthar cosanta, dreasachtaí cánach do chabhlaigh chorparáideacha agus tacaíocht do r-shoghluaisteacht)
- Cuspóir: Neamhspleáchas straitéiseach, saineolas tionsclaíoch agus poist a chaomhnú

Bearta Faoisimh Costais

- Praghsanna leictreachais tionsclaíocha san Aontas a laghdú go huasmhéid 5 ct/kWh
- Athbheithniú a dhéanamh ar Chóras Trádála Astaíochtaí an Aontais (CTA) agus moill a chur ar dheireadh a chur de réir a chéile le lamháiltais saor in aisce faoi SCCT
- Leibhéal agus maorlathas náisiúnta san Aontas Eorpach a laghdú (rialacháin bhreise a chur ar fionraí agus na rialacha atá ann cheana a cheartú)
- Cuspóir: Iomaíochas idirnáisiúnta a choinneáil ar bun

Léiríonn an glao seo seasamh aontaithe na gcuideachtaí agus na bpáirtithe leasmhara ar fud shlabhra luacha iomlán cruach agus miotal na hEorpa.

Is iad seo a leanas na sínitheoirí:

XXXXXXXXXX

XXXXXXXXXX

XXXXXXXXXX

XXXXXXXXXX

XXXXXXXXXX

XXXXXXXXXX